



## Indgået

**16 SEP. 2016**

Per Rosing-Petersenimut  
Inatsisartunut ilaasortaq, attaviitsoq

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

### Sulisussarsiorluni allagarsiineq pillugu § 37 malillugu apeqqut nr. 228-mut akissut

06-09-2016  
Sags nr. 2015-7576

Inatsisartut suleriaasianni § 37, imm. 1 naapertorlugu apeqqummik matuminnga saqqummiussaqaarsimavutit:

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

**Naalakkersuisut imatut kommunit suliffissarsiuussisarfiani allaqqasut akuersaarsinnaavaat? Issuaavunga: "Man skal kunne tale og forstå thailandsk, for at kunne arbejde som tjener ..."** Stod der på opslagstavlen hos arbejdssøgende er i Grønland. Kalaallisuunngortillugu: "Thailandimiusut paasisinnaallutillu oqalussinnaasariaqarputit saqisutut suliniaruit".

Apeqqutit imatut tunngavilersuuteqarfigaat: "Pissutsit ilungersunarsiartuinnarput. Kalaaleq nammineq nunamini takornartamiit ajornermik pineqartuarnera tamaanga killeqartariaqarpoq. Una allagartaq inummik tatigisannik uppernarsisinnearpoq, taamaattoqartoq. Naalakkersuisut ilumoorpat iliuuseqarniaritsi, massakkut."

### Akissut:

Apeqqutinnut qujanaq. Najukkami sulisartunit inuttalersinnaasut suliffissat inuttalerneqartussat tamarmik aamma taamatut inuttaligaanissaannik isumaginninnissaq assut pingaartippara. Naalakkersuisut suliaanni suliassaqaarfusimavoq annertuumikpingaarutilik, taamaattuarporlu.

Nunap avataaneersunik sulisartunik atorfirmut namminersortutut suliffeqarfiup inuttaligassatut kissaatigisaanut naleqqiullugu piginnaasanut piumasaqaatit attuumassuteqanngitsut tunngavigalugit nunap avataaneersunik sulisartunik pissarsiorinissamut akuersissummik pissarsisoqarsinnaanngilaq. Taamattunut oqaaseqartuunermut piumasaqaatit erseqqilluinnartumik attuumassuteqartuunngivipput, najukkamilu najugaqartunik suliffissamut innersuussisarnermut akisussaaffeqartuusoq kommuni erseqqissumik piumasaqaammik taamaattumik itigartitsisussaavog, tassalu nunanit allanit sulisartunik pissarsiorinissamut kommunimit akuersissut pillugu qinnuteqaatip itigartitaanera aqqutigalugu, suliffeqarfimmullu attaveqartariaqarpoq, qinnuteqaallu taamaattoq tiguneqarpat erninnaq atorfiup sulisartunik kalaallimik inuttalernissaa pillugu oqaloqateqarnermik aallartitsisariaqarluni.

Inatsisaasunik aammalu sulisitsisunut kommuninullu suliassaqarfimmi piviusutut suleriaatsinik avammut paasissutissiissutigiginissaannik Naalakkersuisut suliartuupput. Taamaalilluni ukiumut arlaleriaqaluni illuatungerisallu isumasioqatigiinnerit ataatsimiinnerillu ingerlanneqartarput, soorlu nalunaarutigeqqaanngisanik nakkutilliarterni, suliat piviusut pillugit oqarasuaatikkut attaveqarni aammalu allaganngorlugit ilitsersuutit aqputigalugit illuatungerisat tamaasa peqatigalugit oqaloqateqartuulluta. Kommunit sulisitsisullu peqatigalugit ataatsimiittarnerit tulliioktobarip aallartinneranni pissapput, tasanilu Naalakkersuisoqarfimmit aamma Danmarkimit Styrelsen for International Rekruttering og Integrationimit peqataaffigineqartunik ilisimatitseqatigiilluni ataatsimiittoqassalluni, ilisimatitsinermilu sulisartunut attuumassuteqanngitsunik piumasaqaatinik itigartitsisarneq pillugu apeqqutip ilaatinnissaa isumagissavara.

Inussiarnersumik inuulluaqqusillunga

Med venlig hilsen



Vittus Qujaukitsoq

Naalakkersuisoq